



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. II. Ad quæ Vicarius Episcopi opus habeat mandato specialis?

[urn:nbn:de:hbz:466:1-73031](#)

ciale; sed tunc extenditur solum ad expressa, vel similia, aut minora; Azor. p. 2. lib. 3. c. 44. q. 11. licet possit inquire de criminibus ad hunc effectum, culpabiles remittendi ad Episcopum (non autem ad effectum, vel absolvendi Reos ab illis) sic Metioch. de arbitr. lib. 1. q. 43. nu. 28. nam in generali concessione facta Vicario, conceduntur tantum, quæ in generali mandato continentur, etiam si adesset clausula (dantes, & concedentes ei plenam, & liberam potestatem) arg. L. Procurator cui, ff. de Procurator. Quare non potest ea, vi concessionis generalis, etiam cum praedicta clausula, quæ speciale mandatum requirunt (c. qui generaliter, de procurat: in 6.) immo cum clausula, qua Episcopus diceret (constituo te meum Vicarium generalem, cum facultate, & potestate, ut omnia loco mei efficere possis, quæ ego possum, etiam si talia sint, quæ speciale mandatum requirunt.) Nam aduc ista concessio est solum generalis, ut notat gl. ult: in c. 2. de offic. Vicarij in 6. apud Barb: cit. allegat. 54. nu. 59. V. infra nu. 2321. similiter Episcopi Vicarius, ex vi commissionis generalis, commendatitias ad Ordines dare non potest; gloss. in cit. c. licet, V. officialis; nec beneficia conferre, c. fin. h. t. in 6. nec Vicariam perpetuam. Filiiuc: p. 3. tr. 41. c. 2. nu. 48. potest tamen Oeconomicum deputare Ecclesie patronatae vacanti, pro fructuum custodia, si Ecclesiæ provisio differatur; Barb: in cit. c. fin: nu. 10.

2317. Quæstio est 2. An Vicarius Generalis Episcopi, jure suo, possit confirmare electos, vel instituere præsentatos? affirmativam tenet Covarr. l. 3. Variarum, c. 20. nu. 7. Zerola in praxi Episcoporum V. Vicarius §. 14. Filliuc: cit: c. 1. n. 49. & alij apud Barb: in c. fin: h. t. in 6. n. 9. & p. 3. de Potest: Episcopi, allegat. 72. n. 181. ubi expresse dicit, quod Vicarius Episcopi, sine speciali facultate, possit confirmare electos, & instituere præsentatos, quod etiam habet allegat. 54. à n. 70. ubi pro se alios complures citat cum Azor p. 2. l. 3. c. 44. q. 5. & l. 6. c. 22. q. 3. Confirmari hoc potest claro textu c. ex frequentibus 3. de Institutionibus, ibi: Ex frequentibus querelis didicimus, in partibus vestris consuetudinem pravam, a multis retro temporibus invaluisse, quod Clerici Ecclesia-

stica beneficia, sine consensu Episcopi, vel officialium suorum (qui hoc de jure possunt) recipiant, ubi nota, ly qui hoc de jure possunt. Et ideo Gonzalez ad cit. c. n. 2. expresse docet, Vicarios Generales Episcoporum, ex vi proprij officij, absque alia commissione speciali, posse instituere præsentatos à Patronis, sicut & electos confirmare; ad ductâ gloss. in c. cùm olim, de Majorit: & obed: sic etiam D. Petrus Peckius, ad 1. Reg. juris in 6. n. 14. ubi addit, confirmationem Electorum peti posse etiam a Summo Pontifice, sive immediate illi subsint, sive non; quia Papa concurrit in potestate, & Jurisdictione cum quolibet Ordinario, per c. ad Romanam 2. q. 6. & hanc potestatem, sede vacante, transire in Capitulum. habetur c. 1. de Institut. in 6. ibi: et si Capitulum, Sede vacante, beneficia, quæ ad collationem Episcopi pertinent, conferre non possit, præsentatos tamen à Patronis, potest admittere, si sint idonei, & eos instituere in beneficijs, ad que fuerint præsentati; licet ad Episcopum (si superesset) admissio, & institutio hujusmodi pertineret.

Nec obstat, quod non possint beneficia conferre, c. fin: de Offic: Vicarij in 6. non enim est par ratio institutionis, & collationis; quia instituere, est necessitatis; conferre autem beneficia, gratuitæ donationis. Unde dubitandum non est, institutionem præsentati, vel confirmationem electi, valitaram, factam a Vicario Generali, etiam ignorantie, & non requisito Episcopo; cùm potestatem, hoc faciendi, habeat à lege, supposito, quod duret ejus assumptio, ab Episcopo facta in Vicarium Generalem; & si fortasse, quo ad hunc actum prohiberetur ab Episcopo, dum Vicarius Generalis constituitur, meritò dubitari posset, an esset Generalis? quia sic non haberet in Spiritualibus potestatem in Generalem, quæ est de proprio ipsius jure, ut dictum est; nec potestas, quæ datur à lege, limitari debeat ab his, qui tenentur agere secundum leges.

Q. II.
Ad qua Vicarius Episcopi opus habeat mandato speciali?

R Esp. esse plurima, quæ videri possunt apud Barb: de potestate Episcopi p. 3. allegat.

allegat. 54. Primò enim , sine mandato Episcopi speciali , nequit Vicarias perpetuas conferre , vel erigere , nec collationi consentire ; sic habet n. 61. nec admittere beneficiorum resignations , c. quæstum , de rerum permittat . Rebuff. tit: de Vicarijs , n. 104. nec beneficia unire ; uniones , & Ecclesiæ dividere ; beneficia supprimere ; vel erigere ; vel juris patronatus fundationi consensum præstare ; Coadjutores , Vicarios , imperitis Rectoribus Ecclesiæ , deputare ; Juspatronatus , ex causa dotationis , foundationis , vel constructionis , aliqui reservare , absente Episcopo ; donationi Jurispatronatus decretum , seu autoritatem interponere , etiam absente Episcopo ; novas Parochias erigere , vel alia beneficia creare ; nec alijs pensiones imponere in casu , quo id potest Episcopus ; æconomum Ecclesiæ constituere , qui vicem Episcopi habeat in colligendis Ecclesiæ redditibus , & distribuendis in Clericos , & pauperes ; sic Barbosa cit. n. 78.

2320. Deinde sine mandato speciali Episcopi , nequit Clericos à beneficijs , Officijs , administratione , vel Ordine removere ; vel ab exilio revocare ; autoritatem interponere in creatione dignitatis , à Canonicis factæ , vel novum beneficium in Ecclesia creare ; Ecclesiæ vetustate collapsas , nec defectu impensarum restaurabiles , in matrices , vel alias Ecclesiæ Viciniores transferre ; præsentare ad beneficia , quorum Patronus est Episcopus ; de crimine hæresis cognoscere , vel ab eo absolvere ; publicè pœnitentes reconciliare ; puellas religiosum habitum suscipere , vel religionem profiteri volentes examinare , & adificatione Monasterij , per testatorem relicti , consensum , vel autoritatem præstare , concedere indulgentias ; alijs licentiam audiendi confessiones dare ; Barbosa n. 91. sed contrarium quoad hoc postremum , probabilius est , per Sanchez l. 3. D. 29. & n. 14. V. quæ dicemus infrà.

2321. Nequit etiam causas matrimoniales cognoscere , aut tractare ; nec in monitionibus matrimonij dispensare , juxta aliquos apud Barb. cit. n. 95. sed contrarium probabilius est per eundem , allegat. 32. n. 29. nec relaxare interdicta ; nec dimissorias , vel commendatitias ad Ordines concedere , nisi Episcopo in remotis agente ; hoc est , eo existente ultra duos mon-

tes , ut notat Aloysius Riccius , apud Barb. cit. n. 98. non potest alium sibi Vicarium substituere , nisi ad modicum tempus ; dicecsem visitare ; congregare Syndonum diœcesanam ; in alienationibus , & transactionibus Ecclesiasticarum rerum , decretum interponere ; absolvere ab irregularitate , vel suspensione ex delicto occulto ; disceptare de causa restitutionis in integrum ; recipere juramentum purgationis Canonice , cognoscere , vel exequi ea , quæ Episcopo specialiter commissa , vel delegata sunt ; cognoscere causas feudales ; auctorare exemplum ex originali desumptum ; concedere repressalias ; absolvere à casibus Episcopo reservatis ; inquisitum condemnatum absolvere ; Clericorum bona confiscare ; pœnas corporales in pecuniarias convertere , dispensationes imperitiri ; imponere subsidium charitativum ; exigere quartam decimorum , mortuorum , & Synodaticum . Ratio est , quia hæc omnia exigunt mandatum speciale , ut rectè notat Barb. p. 3. de Officio Episcopi , allegat. 54. & n. 60. quare Vicarius Generalis Episcopi , ex vi mandati Generalis , nihil prædictorum potest ; monet tamen idem Author n. 124. in Commissione Vicariatus non requiri omnes prædictos causas nominatim exprimi ; sed sufficere exprimi aliquos cum clausula : & ad omnia alia , etiamsi exigant mandatum speciale , ex c. qui ad agendum & sed si aliquis , de Procuratoribus in 6.

Caterūm Vicarius Generalis Episcopi , 2322. ex vi mandati Generalis , potest omnia , quæ potest Episcopus ex vi Jurisdictionis ordinariae , ordinario jure ipse competentis , modò talia non sint , quæ exigant mandatum speciale , & mandatum non sit restrictum . Hinc , ut monui superius , probabilior sententia ei tribuit jus , licentiam confessiones audiendi alijs concedi ; unam , vel plures causas delegandi matrimonio assistendi ; recipiendi delegationes Papæ , exequendi gratias beneficiale , quæ expediuntur in Curia Romana , si Commissio ad Vicarium dirigatur V. Barbosa à

n. 132.

¶(o):¶

Uuu 2.

& III.

Tom. I.